

ARLeF: bant di 40.000 euros pe Fieste de Patrie dal Friûl

I fonts a son dedicâts ai ents locâi. La scjadince des domandis e je fissade pai 13 di Fevrâr dal 2018

La ARLeF (Agjenzie Regjonâl pe Lenghe Furlane), in atuazion des normis de L.R. n. 6 dai 27 di Març dal 2015, inte suaze dal Program anuâl fat bon di pôc de Zonte regjonâl, e **sosten la realizazion di manifestazions culturâls pe celebrazion de “Fieste de Patrie dal Friûl” (ai 3 di Avrîl dal 2018)** di bande di ents locâi in colaborazion cu lis Pro Loco e altris sogjets publics e privâts cence fins di vuadagn o a fins mutualistics, metint a disposizion un totâl di **40.000 euros**.

A puedin acedi al contribût duçj i ents locâi che a àn la lôr sede legâl intun dai comuns cjapâts dentri intai teritoris furlanofons “storics” des ex provinciis di Gurize, Pordenon e Udin.

Si puedin finanziâ ativitâts culturâls finalizadis ae celebrazion de “Fieste de Patrie dal Friûl” che a pontin a ricuardâ e a valorizâ lis origjins, la culture e la storie di autonomie dal popul furlan; iniziativis indreçadis a fâ cognossi e/o aprofondî la lenghe, la storie e la culture furlane, cu la partecipazion soredu dai zovins; iniziativis indreçadis a pandi la cognossince e l'ûs dai diviers struments linguistic informatics esistents, tant che il Grant Dizionari Bilengâl Talian-Furlan o il Coretôr Ortografic Furlan; iniziativis indreçadis a fâ cognossi la leterature e la editorie in lenghe furlane; raprezentazions teatrâls e concerti musicâi di cualitât, in lenghe furlane; acust e difusion di bandieris dal Friûl.

Dai 40.000 euros: 5.000 euros a son destinâts aes iniziativis culturâls proponudis de Provincie di Udin; 5.000 euros a son destinâts aes iniziativis culturâls proponudis dai Comuns di Gurize, Pordenon e Udin; 30.000 euros a son destinâts aes iniziativis culturâls proponudis di chei altris ents locâi. Lis ativitâts culturâls lis puedin davuelzi, dai 19 di Març ai 15 di Avrîl dal 2018, sedi un ent locâl ugnul che une agregazions di ents.

L'an passât, cun 40.000 euros a disposizion, i progjets finanziâts a son stâts une cuarentine.

Il bant, il regolament e i modui pes domandis si puedin **discjamâ dal sît de Agjenzie**, sezion “Bants garis avîs 2018”.

Lis domandis a varan di rivâ, dentri dal tiermin perentori dai 13 di Fevrâr dal 2018, dome midiant di spedizion vie PEC ae direzion: arlef@certgov.fvg.it. Par nissune motivazion a saran cjapadis in considerazion domandis che a vessin di rivâ di là dal tiermin fissât o cun altris modalitâts. Par dutis lis informazions sul bant, si pues telefonâ al 0432 555910, o scrivi a: federica.delpino@regione.fvg.it

Udin, ai 24 di Zenâr dal 2018

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<